

西  
巡  
大  
事  
記

西巡大事記卷九

光緒二十七年六月至七月

目錄

奕劻等奏奉旨改設外部請以徐壽朋聯芳補侍郎摺六月初三日

奕劻等奏請以廕昌使德許台身使韓片

初三日

李鴻章致樞垣據胡惟德電藏使赴俄僅爲通好電

初七日

岑春煊致全權大臣口外七廳教案請商美使派員代辦電

初八日

盛宣懷致樞垣覆議劃一幣制請改鑄一兩銀元電

初十日

奕劻李鴻章致樞垣和議總綱賠款禍從兩端大致就緒電

十一日

張之洞致樞垣俄約應乘和議大綱未竣之先提付公斷電

十二日

奕劻李鴻章致樞垣各國已交京師地面回鑾早則撤兵速電

十二日

張翼奏開平鑛局被佔現改與英人合辦以收利權摺十三日

張翼奏津蘆鐵路暫交李鴻章管理並直隸各鑛緩辦情形片十三日

劉坤一張之洞致樞垣新幣宜鑄七錢二分電十三日

李興銳致樞垣江西教堂互鬪並非民教爲仇祈告法使電十四日

胡燏棻奏收回京師地面辦理防營情形摺十四日

奕劻李鴻章奏與各使議定覲見禮節摺十九日

奕劻李鴻章奏與各使商停試地方並不允在京會試片十九日

周馥呈樞垣趕造蹕路及賑捐教款費用請部速撥電二十日

盛宣懷致樞垣報各國辦理末次和約電二十二日

陶模致樞垣粵省創辦房捐畝捐情形電二十二日

奎俊致全權大臣重慶赴宜昌各貨補完老釐與洋商無涉電 三十日

奕劻李鴻章致樞垣與各使會議和議大綱電 二十五日

劉坤一致全權大臣德領送浚吳淞辦法喧賓奪主請力爭電 二十日

軍機處致全權大臣濬河工程不在原約之內請妥商電 二十六日

盛宣懷致樞垣如各國願關稅估足值百抽五可暫不裁釐電 二十七日

奕劻李鴻章致樞垣俄使請先商密約三端然後開議電 二十八日

魏光燾等致外部滇路請商法使電詢法廷指明劃一辦法電 二十九日

劉坤一致樞垣英德各領借濬河要挾已商全權並駁覆電 七月初一日

李鴻章致樞垣籌款議結順直教案情形電 初二日

李鴻章奏俄使云若能補畫前約則交收以後可遇事商辦電 初三日

奕劻李鴻章致樞垣禁運軍火各使請以兩年爲期電

初三日

全權大臣及戶部致滬道指撥教款甚迫催各處速解電

初四日

軍機處致全權大臣俄使先約三端辦法實屬難行電

初五日

奕劻李鴻章奏各國使館所佔民房議定給價請飭撥的款摺

初五日

劉坤一致樞垣濬河事未聲明主持之人恐失主權電

初五日

李鴻章致樞垣俄佔東省非訂約不能交收電

初九日

軍機處致全權大臣總期俄約早成全局無礙祈酌辦電

初九日

奕劻李鴻章致樞垣各使送到總結約款請降旨以便畫押電

初九日

呂海寰致樞垣醇王覲見德擬令參隨叩首力爭不允請旨電

初九日

李鴻章等奏報皇史宬尊藏實錄聖訓遺失情形摺

初十日

李鴻章等奏皇史宬石門內舊存銀印全行失去片初十日

奕劻李鴻章致樞垣譯呈各使送來總約底稿候旨遵行電十一日

李盛鐸奏變法宜定宗旨請派員出洋考察獲益較多摺十二日

軍機處致全權大臣德皇接見醇王不以通例相待請力爭電十三日

奕劻李鴻章致樞垣謹擬禁運軍火上諭請旨電十三日

奕劻李鴻章致樞垣日英密告各國隱謀請旨速准畫押摺十三日

奕劻李鴻章致樞垣俄使催畫押並請另簡駐俄使臣電十三日

軍機處致全權大臣俄約請速定議總期無損國權電十六日

奕劻李鴻章致樞垣醇邸已赴德禮節能否更改尙無回音電十七日

軍機處致全權大臣覲見德皇禮節姑通融酌允電十八日

劉坤一致全權大臣浚淤設局恐自治權爲各國攘奪乞設法挽回

電十九日

奕劻李鴻章致樞垣醇王赴德謝過已電達從權酌辦電二十日

奕劻李鴻章致醇王呂使德國禮節礙難照允希設法轉圜電二十日

盛宣懷致全權大臣呂海寰電德皇允免跪拜禮節電二十二日

奕劻李鴻章咨樞垣鹽課關稅兩事應由戶部酌定請旨飭遵文二

十三日

奕劻李鴻章致樞垣各使商定畫約即撤兵電二十六日

岑春煊致全權大臣報賠償晉省教堂各款電二十八日

張之洞致樞垣各省分攤賠款請一視同仁勿令鄂省偏枯電三十日

西巡大事記卷九

黃巖弢夫王彥威輯

男希隱亮編

孫孝章敬立校

光緒二十七年六月初一日 駐蹕西安府城

陝撫升允進呈聖駕回鑾由陝西至河南省路程單由潼關至河南省  
城路程單由河南府洛陽縣城抵孟津渡河至河南省路程單

初二日 駐蹕西安府城

晉撫岑春煊奏覆陳山西籌備償款情形摺

又奏豫籌晉省教案賠款擬辦情形摺



奕劻等奏  
奉旨改設  
外部請以  
徐壽朋聯  
芳補侍郎  
摺

奕劻等奏  
請以蔭昌  
使德許台  
身使韓片

### 初三日 駐蹕西安府城

總理各國事務衙門臣奕劻等奏現奉寄諭擬改總理衙門爲外務部立法之初用人宜慎所有管部親王及尙書二員官職崇重臣不敢擅擬其侍郎二缺臣查得太僕寺卿徐壽朋道員聯芳二人實堪勝任可否即以該二員補外務部侍郎之處仰祈聖裁訓示謹奏

奕劻等片 出使德國大臣呂海寰留任一年之期現又屆滿自應另行派員前往接替查有副都統候補侍郎蔭昌現隨醇親王出使德國請即以該副都統充出使德國大臣必能勝任候選知府許台身本充出使韓國參贊官自徐壽朋以襄辦商務內召該員護理使事措置裕如擬請即以該員充出使韓國大臣是否有當伏候聖裁謹奏

上諭候補侍郎廕昌著賞加頭品頂戴充出使大德國大臣

上諭許台身著以道員用加四品卿銜充出使韓國大臣

初四日 駐蹕西安府城

增祺玉恒奏俄軍勦辦土匪情形摺

初五日 駐蹕西安府城

升允奏恭辦皇差除陝省報効外請飭部撥款摺

初六日 駐蹕西安府城

李鴻章電信 德使來言德皇准於七月十四日在柏林接見醇親王

並於王宮預備醇親王行臺云

旨現已屆六月各國之兵究竟何時撤盡京使館留兵若干天津及洋

李鴻章致  
胡惟德電  
使赴俄僅  
爲通好電

卡各留兵若干著奕劻李鴻章查明電奏

初七日 駐蹕西安府城

李鴻章電信 駐俄參贊胡惟德來電西藏喇嘛遣使赴俄俄主待之  
有加禮所住賓館有俄員把守一切人不得進見探聞所貢祇金沙十  
匣帕十方其貴重貨物行抵印度均被英人扣留據探者云因俄地理  
會差人入藏探路被藏人所殺特來謝罪並請嗣後勿再派人入藏其  
另有秘密與否無從聞知應否告明俄外部往見藏使請示等因當卽  
詰駐京俄使藏爲中屬何以不告而接待其使伊云我主於蒙部及各  
處來者均格外優禮藏使來亦爲通好並無他意一面電屬胡惟德往  
見藏使問明赴俄何事卽行電覆

岑春煊致全權大臣口外七廳教案請商美使派員代辦電

諭奕劻李鴻章現在和議已定公約何日畫押著即電聞以慰廩系

初八日 駐蹕西安府城

岑春煊致全權大臣電信 口外七廳耶穌教向係美宣導會管理現教務糜爛必須該教會牧師親來與地方官商辦方可了結據各教士稱須請鈞座告知美使速電紐約令此會人來否則由美使電令伊等代辦若無美使公事未便代辦等語請查照轉達煊叩勅

初九日 駐蹕西安府城

長順成勳奏土匪肆擾請飭全權大臣妥商俄使勿收官兵鎗械摺旨寄慶親王等著將近日吉省情形詳告俄使勿收官兵鎗械合力勦辦以靖地方

盛宣懷致  
樞垣覆議  
創一幣制  
請改鑄一  
兩銀元電

# 初十日 駐蹕西安府城

盛宣懷電信 中外條奏多以鑄一兩銀元爲言奉諭切實議覆中國欲講求戶政商政必先齊一圓法鑄七錢二分爲一時權宜之計鑄一兩爲通籌全局之計今試論其利害中國舊用寶錠碎銀平色雜亂商旅詬病自洋元浸灌免用砵碼人咸稱便按其重七錢二去其銅實銀祇六錢四分八釐市多則賤市少則貴極貴可當作實銀七錢四五不以輕重作準是與貨等耳何足言幣龍元仿其制貴賤隨之離本省則跌價充其量僅能追踪洋元不能直行府庫其弊一以大一統權衡俯就墨西哥制度將來他國銀幣皆恐效尤先從租地鑛路漸入內地自然大利爲外人分奪其弊二總局與各省局同時開辦若鑄元而不鑄

兩仍不能廢兩而爲元現無銀鑛必致無銀可鑄仍聽洋元流通八表莫之能遏其弊三部庫搭收必以分兩爲準如解庫一百元祇能作銀七十二兩如值市面洋元跌價或估銀七十兩而十足色銀變爲九成無可貼補其弊四搭放俸餉必須作銀七十二兩如值市面銀元跌價或值銀七十兩則龍元至多亦作七十兩如京城去年龍元只抵銀六錢八其弊五無他弊在其值無定而已按古法西法制幣莫不定其值使永遠無高下實非鑄一兩爲一元不可擬請京師開設鑄錢總局鑄一兩及五錢二錢一錢凡四等譬如英曰先令法曰佛郎俄曰羅卜德曰馬克美曰道拉輕重不一各自爲制本國只准通用本國錢他國錢不准兼用布告各國則各國之幣不來推行日久墨銀亦已漸止以保

自主之權其利一既守本國定制官庫上下皆非一兩銀元不能通用所有寶錠碎銀盡可收羅鎔化久之七錢二分銀元商人自必從而鎔改此自然之機可於各國驗之以嚴畫一之規其利二官用砵碼有庫平漕平京平湘平各種同一庫平而各庫不同湘平新舊不同京平亦有互異商人所用一省之內有平數種錢色高低全憑公估官則庫吏庫丁上下其手商則銀號錢鋪進出扣頭是以商民見有銀元論元不論色遂樂用之而猶嫌其價值早晚不同官庫無從交納今改一兩其爲樂用可知其利三普天下平色一律鈔票自可通用國家銀行亦可整頓致富之根基全繫乎此其利四光緒十四年奉旨京師改用制錢而不果行今若銀幣定製四等其末等爲一錢即可仿東西洋以機器

兼鑄銅幣大者爲一分錢凡銀幣一錢者兌一分錢十次者爲一釐錢  
再次爲五毫錢凡銀幣一分者可兌一釐錢十兌五毫錢二十舊制錢  
當十錢皆可銷燬從此私鑄之弊一掃而空其利五有五利而無五弊  
宣懷曾兩次條奏二十三年王大臣覆奏責成宣懷辦成銀行後准其  
附鑄一兩重銀錢以十萬爲率因十萬銀不足試行又未飭下各庫收  
用錢法大改亦未便遽由商行開鑄是以中止上年鄂督電覆樞臣戶  
部云京師銀元局斷宜鑄一兩以下四等昭示天下永遠更改且須鑄  
准作庫紋一兩交納賦稅官款字樣其外鑄現銀七錢二分暫仍其舊  
俟京鑄暢行行政令足爲商民所深信然後一律改鑄云云赫德於光緒  
二年即在總署呈請鑄一兩銀元以完關稅張總督倡造七錢二分銀



元在先尙稱中國用銀向以兩計權衡畫一治世大經中外所同出納準則吏弊少平色同則商奸窮此爲便民之義旨哉斯言赫德管稅務熟於理財宣與反覆籌議堅稱以一兩爲正辦斷不能以忽高忽下之洋元垂爲定制故仿鑄七錢二分龍元海關堅持不用恐關庫多收跌價則喫虧甚鉅也如蒙鈞處采擇應請參酌舊制西例責成戶部專設一司援照日本大藏省將銀幣紙幣銀行一氣詳訂章程次第辦理勿畏艱阻勿涉游移辦一定章理財之基自主之權畫一之規皆定矣除具摺外謹先電覆乞代奏

上諭前因各直省辦理交涉事務殷繁特令各將軍督撫兼總理各國事務大臣之銜現在該衙門已改爲外務部特設專官各將軍督撫即

奕劻李鴻章致總綱和議總綱賠款禍從兩端大就緒電

着毋庸兼銜惟交涉一切關繫綦重皆地方大吏分內應理之事該將軍督撫等仍當加意講求持平商辦用副委任

### 十一日 駐蹕西安府城

奕劻李鴻章電信 虞電旨謹悉和議總綱十二款即算公約總綱定後不過照綱內所載逐款議辦用照會商定無須畫押計現在尙未辦結最要者祇賠款禍從二端賠款攤還年數銀數大致已可就緒據德穆使稱俟與各使商允再行會商定議各省禍從因減商員數太多英薩使復有意挑剔以致遲滯聞賠款內抵款各使中有願以海關收足值百抽五並免稅之貨徵稅每年可得銀二百萬作抵者英使以該國商務最大尙不甚愜意然此等皆無礙和局緣十一國使臣意見每有

參差未能尅期立定也現京城地面各國已陸續交收俟法兵官巴堯從五台山回時即撤據云京西一帶法兵亦可全撤請代奏以紓宸廑奕劻李鴻章佳

### 十二日 駐蹕西安府城

張之洞致俄約  
樞垣和議  
大綱未竣  
之先提付  
公斷電

張之洞電信 簡電悉俄約責我以東三省吏治而盡將兵權利權政權奪去是專令我壓制華民以供俄人之役使而已利則歸俄害則屬我名爲俄還東三省於我之約實則我讓東三省於俄之約也從前疊次電奏屢經痛切瀝陳此約若成不獨失關東各國必將效尤瓜分內地各省亦不能安全其俄鐵路到京駐兵護之則法亦必以護路爲名駐兵直抵京外他國皆沿鐵路駐兵豈止各省不安京師亦不能安其

各國聞之尙爲我危苦口勸阻中國稍有忠君愛國之心者亦皆痛心疾首請勿畫押豈得謂爲謬論此李相一人偏執已見必欲成之而後快實所不解幸聖明在上燭照堅持俄謀遂爾暫沮然俄人垂涎已久早視東三省爲已有貪心未息若不趁此藉各國公議令其撤兵斷無甘自退讓之理暫據終成永據其數月來江鄂往返籌商並探詢各國外部惟有趁此公議之時請各國公斷一策將俄人自立之約十一條置之不論庶俄在各國之前不敢遽食前言明居不義之名屢經電奏在案江鄂惟知爲國家社稷計孰謬孰是朝廷自有明察天下自有公論江督昨電樞廷轉電全權照會領袖公使詰俄退兵之期以觀俄人動靜方可籌措置之方此照會無論有益與否有何妨礙況此辦法本

係日本外部之意而英義德三國外部均曾勸我交北京公使公斷四國公使一見照會定必從中以公論相助李相前勸畫押或者因恐決裂爲俄所愚今逾期不畫俄國竟無動靜自當悔悟急改乃堅執不肯照會豈始終爲俄所愚耶抑別有成見耶不顧國家之安危而專與同僚爲水火大臣舉動不當如此查萬國公法戰後立約約未提明者悉照戰後情形今北京公約俄在其內賠款數目俄國最鉅東三省兵費路費亦在其內李相與各使屢次會議照會於東三省撤兵從未提及必然永照現在情形矣一失此機以後無法補救近聞各國公使一俟大綱十二款全數議定即行各自回國若此時不議各使回國後不能再議悔不可追矣伏祈迅賜電飭全權務即日照會領袖公使詰俄撤

奕劻李鴻  
章致函  
各國已交  
京師地面

退東省兵隊日期並請各國爲我將東三省善後諸事秉公公斷各國  
若肯公斷或竟可不立專約至美日兩國所請將東三省開門通商辦  
法最爲善策欲永保東三省不爲俄佔非藉各國牽制不可亦望飭令  
全權照會各國言俄已言明不佔我土地不俟俄將三省還我時再行  
開門通商許各國以居住通商開鑛製造一切利益等語則各國均冀  
中國永保東三省自主之權不願別國來侵且似此措詞亦甚虛活俄  
心雖不悅而無詞以責我庶幾祖宗根本之地可望收回中國全局不  
至自取分裂天下幸甚請代奏之洞軫

奕劻等電信 語電旨謹悉京城地面各國已陸續交出俄美兵除留  
護使館外餘早撤盡英德日本亦撤過半保定僅有法兵未撤聞各國

回鑾早則  
撤兵速電

現存在京兵隊望後可再撤三分之一俟西安啟蹕再撤二分之一俟由河南回鑾卽全數撤退彼等撤兵向不知照撤去若干即問亦不以實告總稱看運船多寡陸續撤去其各使館留兵現無確數聞統計約在二千內外天津及沿途洋卡亦無確數聞天津約留六千或八千沿途洋卡每卡約三百共計不過二千屢經訪詢均稱回鑾早則撤兵速遲則更多觀望請代奏奕劻李鴻章蒸

### 十三日 駐蹕西安府城

旨寄奕劻李鴻章蒸電覽悉殊堪詫異據稱京使館留兵二千核與該大臣前奏使館留兵共計僅數百名之語大相懸殊即天津及沿途留兵之數亦多至萬人回鑾所以慎重者正因公約未盡洋兵未撤之故

張翼奏開  
平礦局被  
佔現改與  
英人合辦  
以收利權

乃該王大臣於畫約遲早全未奏及昨經電詢始云不再畫約前據稱  
撤兵日期有六月內全撤之語今又云由河南回鑾始行全撤亦屬前  
後兩歧宵旰憂勞無一日不繫念於此該王大臣此奏獨不爲朝廷設  
想於心安乎

禮部奏回鑾有期請旨派員致祭名山大川摺

侍郎銜前內閣學士張翼奏竊查開平鑛局前於光緒四年間據前福  
建試用道唐廷樞稟請仿照西例公司辦法招集商股在於唐山地方  
開採煙煤接濟北洋兵輪機器等項之用當經臣鴻章前在北洋任內  
奏請援照湖北臺灣成案完交出口正稅及復進口半稅奉旨依議在  
案迨光緒十八年該道物故臣以江蘇補用道奉委接辦該局事務當



查該局以開辦日久資本不敷一切窮蹙惟有殫竭心力設法經營查開平鑛務以採取銷場採運爲三大宗乃先行加修鑛井以期採取不至缺乏繼則疏通各處銷路俾利源得以周轉加以添置輪船起築碼頭以濟轉運存儲不致貽誤數年以來漸有頭緒除林西地方距唐山五十餘里另開鑛井外復於灤州屬下之元水莊白道子等處勘與唐山煤線一氣貫通稟明購地開井以備接濟唐山等鑛之不逮又經總理衙門奏准在秦皇島海口地方自開通商口岸等因行知在案所有該局應行設立之碼頭建築之廠棧亦復價買地畝豫備應用亦在案以上購地等項經費既鉅該局存款已經墊置碼頭機器等項動用無餘際茲庫款支絀又不便請借官項惟有或借洋款或加商股方足以

資周轉忽值拳匪之變聯軍到津其塘沽天津各碼頭廠棧均被佔據該局所買輪船亦被扣留緣開平一鑛久爲各國垂涎是以一值釐開即將該局緊要之地均行佔據無餘是該局全體已失其半勢已無從措手當查有稅務司德璀琳適在天津辦事公允可靠因思仍借資洋員辦理或能萬一保全卽札該稅司暫行代理總辦開平鑛局事務該稅司接手之後亦頗認真無如聯軍勢衆力有難支八月間聯軍東發由北塘蘆臺一帶直逼青莊河頭以至唐山林西等處凡該局廠棧處所一律被佔唐山局地遍插外國旗號查唐山鑛井爲該局根本之地時被佔據幸各員司工匠人等尙未盡散惟思該局係屬商辦自與官局不同西例雖有戰事商務皆不得充公如與外洋商務聯爲一氣辦

法或可保全並查路鑛總局前發章程載有准招洋股合辦之條因即定議加添洋股合辦當即照會該稅司及英國富商黑林妥商擬將開平鑛局加入各國商股連同原有舊股共合成資本百萬磅計中國舊股及加添中國新股佔五十萬磅餘五十萬磅由各國洋商分認改爲中外合辦有限公司定立合同電達英京掛號自二十七年正月起辦其向來稟定章程及應完國家稅額均照舊辦理各員司亦中外平等事權自議定後即將前帳總結並派洋鑛司前往唐山等處整頓並將各國旗幟拔去改樹中外合辦旗號唐山林西各井照常開採仍用火車運赴津沽販賣其各廠棧原存煤斤及輪船亦皆收回應完商煤稅釐現已議定先行登記數目俟聯軍退後照數補交此該局議定合辦

張翼奏津  
蘆鐵路暫  
交李鴻章  
管理並直  
轄各鐵路  
情形片

情形伏乞聖鑒謹奏光緒二十七年六月十三日奉硃批知道了該大  
臣責無旁貸著卽認真妥爲經理以保利源

張翼片 再臣於光緒二十四年十月奉命幫辦津蘆關內外鐵路接  
辦以來與前鐵路大臣許景澄和衷商榷不意去年七月間許景澄因  
事出缺其時中外各路始遭匪徒焚毀繼被聯軍分據以致各局料物  
均多遺失目下和約已定想該路卽日總可交還惟臣奉旨隨同醇親  
王出使重洋遠涉倘該鐵路交還有日接收管理在在需人查津蘆關  
防內外一路全在北洋大臣所轄境內而此路經營伊始又係李鴻章  
前在北洋任內開創興修臣再四籌思惟有將關防並所存各件移交  
李鴻章管理庶日後接收此路經理有人一切如何整頓布置較易也

劉坤一張  
之洞致樞  
垣新幣宜  
鑄七錢二  
分電

再二十四年十月奉旨督辦直隸全省及熱河鑛務並准設立公司當  
卽籌墊鉅款設立公司並聘工程司分途躡緝在案並派德瑾琳等妥  
籌招集中外股東次第興辦值匪徒肇亂事因中輟目下事勢雖定而  
直隸熱河一帶鑛產之區尙未安靜兼之時局初定股本尤不易集現  
又充使出洋詳度情形惟有將直隸及熱河各鑛暫行緩議辦理謹附  
片陳明伏乞聖鑒謹奏光緒二十七年六月十三日奉硃批知道了  
劉坤一張之洞電信 銀元宜鑄七錢二分已電尊處詳言之頃見盛  
宗丞電仍主一兩所見太偏辦事首貴核實若不自揣力量能否辦到  
而徒爲高論必至窒礙難行且無益而有損龍元仿自外洋初僅行銷  
內地近年以來官埠始稍通行以商民久經習用之分兩成色仿行尙

非易易何論改鑄目前中國權力何能禁洋元進口江鄂鑄元係足色大寶及金條銀條並用由化學洋員化驗而成若以無銀可鑄爲慮然則鑄一兩重即有銀乎至收放既照市價誠難一律然官收之元卽是官發之物初次發收已將盈餘扣收在內收不復發仍是照價無所用其貼補搭放俸餉龍元須分成配搭大元利薄小元利厚縱銀元跌價尙有餘利可貼公家亦不致受虧此盛電五弊不足信也用本國錢幣不准兼用他國然如匯豐等行之鈔票日斯巴尼亞及墨西哥之銀元日本之寬永錢能否使其不來禁民不用尙不可知收羅寶錠鎔化鑄元七錢二分有何不可若改鑄一兩成色十足乎抑九銀一銅乎十足則無利可圖從前鑄成七錢二之龍元聽之則仍難一律收回改鑄則

賠貼無資如仍九銀一銅即難強民作一兩足銀行用至通行鈔票在昭示大信而不在分兩從前鈔票何嘗不是兩數鑄銅幣似尙可行毀舊錢力有未逮此盛電五利不足信也總之目前財力勢力斷難禁絕洋元有洋元卽有市價依附以行尙可資以抵制若紛更成法轉使洋元暢銷此時勢所必然必權衡於至當坤洞等非與盛宗丞立異同洞去年又有請於京城試鑄一兩銀元外省仍不改之說但體察民情深慨國勢不得不仍用七錢二分之龍元功令所在時局日異不可不慎也至盛謂外省圖外銷之用故不願改臆說可詫已詳前電伏惟詳察十四日 駐蹕西安府城

李興銳電信 江西自上年教案辨結民間尙屬相安無如從教之良

教堂互鬪  
並非民教  
爲仇祈告  
法使電

莠不齊天主耶穌兩教又各招徒衆積不相能教士亦有尾大不掉之勢南昌縣在港向有天主耶穌教堂因細故聚衆鬪毆耶穌教民爲天主教民傷斃六名生傷六名當即派員彈壓始各分散新淦縣亦有兩教互鬪之事昨上海道電法領事有擬派船護教之說其實此事乃教與教相仇非教與民相仇且耶穌負而天主勝法領事尙未知其詳因將詳細函告使之分曉并乞樞府電飭全權安立傳教章程教士不准干預地方之事教民有案由地方官審訊不准濫收莠民庶幾民教可以相安

河南巡撫松壽電信 前與李鴻章會奏請由濬縣乘船一節細思以民船爲御舟即使改修而船身已定無可擴充未必安穩且自汴梁啟



蹕計已秋深其時水退河淺勢難暢行諸多不適竊計舟行至德州紆道保定與由豫省陸行直達正定路程不過多一二站聞鐵路已可修至正定將來聖駕若由豫赴直從磁州順德大路抵正定上輪車較直捷亦穩適可否請旨遵行

胡燏棻奏  
收回京師  
地面辦理  
防營情形

候補侍郎胡燏棻奏奉五月十五日諭旨京畿內外地方本係步軍統領衙門順天府五城直隸總督專責現當善後緊要之時諸事尤爲繁重據奕劻李鴻章奏請派令胡燏棻辦理京畿善後營務事宜刊給關防俾昭信守等因欽遵在案現經英日法三國將所佔地方交還臣即於五月十六七日分別收回仍責成原辦員紳各就原設公所分段認真接辦並將英界所佔東安廣渠東便等三門接收後稟請慶親王派

兵駐守以復舊制姜桂題一軍於四月二十七八日調至河間乃因各國與中國兵隊相遇設或誤會轉生枝節力阻緩來臣竭力與之商定自五月二十二日以後姜軍即可於附近京城東北二十里外駐紮正在料理該軍北上適值保定府南祁州博野等縣土匪紛起直隸兵力不敷分布准李鴻章咨調姜軍千人先赴該處會勦餘隊仍即來京此該軍移緩就急未能迅速來京之實在情形也馬玉崑一軍已抵趙州欒城等處爲法人所阻未能前進應俟新樂正定定州等處法兵退後方能進駐四路廳屬境屏蔽京師此該軍尙須暫駐畿南聽調之實在情形也惟京師自遭拳匪潰兵聯軍之擾商賈失業市井蕭然今聯軍漸撤官權尙未盡復土棍地匪乘機竊發地方蹂躪殆盡欲辦善後頭

緒繁多臣惟有盡心竭力諸事稟承全權大臣并會同步軍各衙門妥慎辦理以副委任所有以上情形理合恭摺具陳伏乞聖鑒謹奏

旨電奕劻李鴻章劉坤一張之洞該大臣等前後所論俄事各電均悉二月初中外諸臣僉言俄約一成即敗瓜分之禍朝廷熱權利害不能不飭令停畫此事勢之當然本無所容其成見乃自是之後李鴻章誤以畫約爲劉坤一張之洞所阻致有江鄂爲日人所愚之言劉坤一張之洞又以李鴻章爲偏執已見亦有全權爲俄人所愚之說彼此猜疑負氣爭論究於國事何裨該大臣等受恩深重上年之變共挽危局各著勛勞朝廷方深倚賴國步至此同心戮力猶虞不濟何忍自相水火貽憂君父騰笑外人平心而論李鴻章身處其難原有委曲然時有不

受商量之失劉坤一張之洞慮事固深而發言太易亦未免責人無己  
要之俄約自難全廢終當設法改訂俄交東省如仍奪我兵權利權名  
還而實不還害何可言且各國若起而效尤則爲禍何堪設想必須乘  
公約既成之後向俄使反覆籌商將前約婉與磋磨並照會各使公議  
便可問關東撤兵日期以觀動靜並能將東三省許各國通商互相牽  
制庶根本之地可保全局亦安應如何辦理之處李鴻章當盡心籌畫  
速行具奏劉坤一張之洞有會辦之責亦不得置身事外也用此竭誠  
申諭該大臣等當念國事之艱難捐除成見懷忠竭力扶危振傾爾功  
爾過亦不能逃朝廷洞鑒也

十五日 駐蹕西安府城

軍機處致李鴻章松壽電信 前擬請聖駕由衛輝舟行至德州遵陸者原以慈躬勞頓舟行安適今既無大船而民船窄小又繞水程十四站太迂曲自以逕由開封遵陸至正定上輪車較便已得旨敬奉聞希飭備辦

### 十六日 駐蹕西安府城

李鴻章電信 直隸教堂賠款戶部前擬一百萬兩頃據司詳必得二百萬尙可敷衍請旨飭戶部陸續指撥爲要

旨電李鴻章電悉已飭戶部照數指撥惟直隸賠恤教堂前奏派之民間現已徵得若干共有若干應即查覆以便區畫朝廷念此方殷頗不欲重爲民累也

十七日 駐蹕西安府城

旨寄李鴻章據薩保奏漠河觀音山等處金廠因亂閉歇請飭派員籌辦又俄商屢請開採滿洲金廠請飭商阻等語著該大臣酌核辦理

十八日 駐蹕西安府城

李鴻章奏英美兩國使臣照會以己革侍郎張蔭桓於去年七月間慘罹正法該侍郎從前出使兩國和平辦事敝邦人皆道其賢伏乞代請聖恩追念前勞准予開復等語查張蔭桓當日原案尙非必不可宥之罪既據該使臣等呈請可否准與開復以篤邦交之處伏乞聖裁謹奏

十九日 駐蹕西安府城

上諭出使德國大臣蔭昌著兼充出使荷蘭國大臣

奕劻李鴻  
章奏與各  
使議定觀  
見禮節摺

臣奕劻臣李鴻章奏爲按照和議總綱第十二款商定各國使臣覲見  
禮節恭摺仰祈聖鑒事竊據領銜日國使臣葛絡幹三月初一日照會  
內開諸國會同覲見皇帝必在太和殿其一國使臣單行入覲者必在  
乾清宮使臣呈進勅書或國書必派御輿暨應有之侍衛前往使館並  
參隨各員同送覲見之官禮成後一體送歸使臣齎奉國書必由各中  
門行走皇帝必親手接收國書諸國使臣至宮殿階前降輿儼設宴款  
待必在乾清宮皇帝必躬親入座各禮節必與自主平等大國成規相  
符等語臣等查覲見一事因中西體制不同各國使臣動援西例相衡  
以爲相形見絀三十年來爲此事彼此辨駁迄未能定今乘聯軍大勝  
之後請將禮節更改固係有挾而求然各國既有成規則所言亦非盡

無禮祇可就其能行者酌予通融擇其不能行者力加駁阻爰指出礙難照辦者四端一使臣會同覲見必在太和殿一使臣呈遞國書須派御輿迎迓一使臣覲見在宮殿階前降輿升輿一設宴必在乾清宮皇帝躬親入座一面備文照覆一面與各使公推承辦覲見禮節之美國使臣柔克義日本國使臣小村壽太郎竭力磋商三月二十三日又接葛絡幹照會但允將會同覲見改在乾清宮而轎用黃色在宮殿階前降輿仍不肯改至設宴一節據稱各使並無必請賜宴之意臣等覆以轎色祇有皇帝用黃諸王公大臣皆用綠各國使臣入覲時由內務府備派綠呢大轎迎送已足以昭隆重若乘坐黃轎未免駭人聽聞礙難轉奏又降輿升輿一節中國向來體制王公大臣均在東華門外降輿



惟賞紫禁城內乘坐肩輿者方能乘椅轎至景運門各使既請均在乾  
清宮覲見入宮之路必由景運門應做中國王公大臣特賞紫禁城乘  
坐肩輿之例於進東華門後換坐椅轎至景運門下轎較爲相宜備文  
照覆旋聞英國使臣薩道義嘖有煩言謂照覆詞氣不甚和平意將痛  
加駁斥臣等佯爲不知彼亦竟置不答繼思迴鑾在邇覲見禮節必須  
早日商定戶部右侍郎那桐奉出使日本之命小村壽太郎頗與聯絡  
因屬其酬應之便婉與熟商許以綠轎加用黃纒小村允與各使商酌  
臣等復又辦給照會大意以日後或有國王及太子等來京必須豫留  
區別地步敍明轎加黃纒下轎可在景運門外五月十七日據日使葛  
絡幹照覆轎加黃纒各使遵允惟降輿請改在乾清門外等語臣等復

又備文商酌改爲至景運門外換坐椅轎至乾清門外階前降輿略示通融以期就範茲據日使覆稱各使現以爲然等語自應就此定議竊思歐美各邦咸以遣使聯交爲重輶車來往絡繹於途將命呈書儀文必洽輿戎出好消息可以徵參上年啟釁之端莫甚於攻圍使館是以此次各使必欲將覲見禮節乘機更改積年所不能請者一旦邀准雖覈諸西國敬使之義未必盡爲過當而揆諸天澤堂簾之辨豈能每事曲從臣等設法磋磨歷時至數月之久始將乘坐黃轎及在太和殿覲見暨宮殿階前降輿三節酌議改易其在乾清宮設宴一節賜宴與否旣可不拘自應暫從緩議遇有應行設宴款待者統由外務部出名不言賜宴各使當無可挑剔也所有商定使臣覲見禮節緣由除將來往

奕劻李鴻  
章奏與各  
使商停試  
地方並不  
允在京會  
試片

照會鈔送軍機處查核外理合恭摺具陳伏乞聖鑒謹奏光緒二十七年六月十一日發十九日奉硃批依議

奕劻等片 再停考一事前據領銜日國使臣葛絡幹照覆北京會試  
尙須詳細查核並稱河間府一處俟訪查後再覆究竟可否免停尙未  
定準又據河南撫臣松壽電稱南陽府光州陳州府鄭州河內縣五處  
均無戕害凌虐洋人情事請與各使商免停考當經備文照會商辦去  
後旋據英國使臣薩道義面稱會試仍必須停並稱四月二十五日上  
諭提明直隸省之北京順天府等地方均應停止文武考試五年是已  
包會試在內無再允舉行之理查臣等前次奏呈停考地名清單摺內  
本已聲敘英使持之最力乃磋商至再仍爲該使所阻茲據領銜葛使

周馥呈樞  
垣趕造蹕  
路及賑捐  
教款用費  
請部速撥  
電

照稱河間府考試照舊開辦河南南陽府光州兩處實有凌虐西人之  
情仍請停考北京會試一事四月二十五日上諭諸國全權大臣視爲  
妥善自應遵照辦理等語揆度情形會試難在京城舉行將來祇可由  
禮部另籌變通之法理合附片陳明伏乞聖鑒謹奏光緒二十七年六  
月十一日發十九日奉上諭奕劻等奏會試難在京舉行等語會試爲  
掄才大典礙難易地舉行着該王大臣等再與各使切實磋商

## 二十日 駐蹕西安府城

直隸藩司周馥電信 和議將畢聯軍漸撤臣民仰望迴鑾七月十九  
之期萬無改理惟水陸兩路供頓毫未料理全權已歷次電達此事但  
隨上意早降電旨直東豫三省便可預備所苦者直隸境內房屋不敷

無論走河間走磁州皆須添造遲則萬來不及千求請旨速定至直隸土匪本不過數百人現經姜呂各軍擊散惟高粱長成易於竄匿現經馥諭請紳士幫同勸散其賠教款最多之州縣及瘠苦之區應給津貼即匪類釋械歸農內有無業可歸者併應撫恤善後賑捐開辦數月僅收二十餘萬而軍餉迫索已挪去數萬善後百事待舉左支右絀更無論矣今請全權戶部奏請撥二百萬切不可少如蒙恩准各州縣仍須攤教案款約百萬兩之譜只得再由馥設法倘此二百萬不發民怨繁興匪必難減官亦坐困後患難防急切呼籲務乞奏懇不勝惶悚周馥稟

旨電李鴻章傳諭周馥戶部已奏准由各省關撥二百萬矣可咨催各

省速解

二十二日

駐蹕西安府城

周馥電信 頃接盛宗丞來電云宣奉諫電查正定路工不致延誤沙多面稟傳相潯沱河搭便橋可走車馬過橋北上輪車如第一日正定至保定八鐘開車十一鐘過定州尖兩鐘到保定必須預備行宮第二日仍八鐘開車十一鐘過涿州尖兩鐘到京凡尖處停車不下車在車喫飯擬由路局預備正定保定住宿及碼頭伙食仍請直隸預備至蘆保車輛被燬後添置不多現備太后皇上皇后御車三輛如須添二輛只可以頭等車改頭等二等車只有十四輛行李車一百五十輛不敷須向津榆借用已電商金達矣請轉稟邸相并達京兆等因馥稟號

盛宣懷致  
樞垣報各  
國辦理末  
次和約電

陶模致樞  
垣粵省創  
辦房捐畝  
捐情形電

奎俊致全  
權大臣重  
慶赴宜昌  
各貨補完  
老釐與洋  
商無涉電

## 二十二日 駐蹕西安府城

盛宣懷電信 德領事接德使電現在各使推舉德英法日四使辦理  
末次和約稿將以前至今所議准各事包括訂成一約章照此情形和  
約數日便可議妥和局便算大定等語宣懷元

陶模電信 廣東現辦房捐大約照屋公估二十取一於八月朔起辦  
捐主不捐客家僅二三椽者免捐畝捐擬亦興辦分別肥瘠尙未定議  
二十二日 駐蹕西安府城

奎俊致全權大臣電信 密沁電敬悉自應恪遵辦理頃接川東寶道  
電稟接准英領事章照會以長江各口掛旗船貨照章完稅卽任其運  
行並無別項稅釐乃重慶關下赴宜昌各貨既完關稅又補完老釐核

與約章不符應卽改革等由職道當卽徵引約章將補完老釐一節係華商運內地土貨赴渝出售應納內地落地釐乃內地人完內地釐卡在未經報關以前允由華商聚納不特與稅關無干亦與洋商無涉自無與約章不合之處且洋商報關稅後立予放行釐局從未過問並無別項稅釐亦未嘗不任其運行並以其誤會出口各貨旣完稅又完釐或者因見洋行自願干預華事向華商代收代繳應完華釐遂疑洋商於完稅外復完釐金又以現因稽查認真華商不能偷漏洋行不任代收無從漁利因之案訴於伊委婉其詞與之照覆並將往復照會鈔送韓稅司查閱聞該領擬將此次照會告知公使事關釐務大局伏候裁示等語查該道照覆極是已電飭堅持勿失利權如英使言及祈據情



奕劻李鴻章致樞垣  
與各使會  
議和議大  
綱電

相機抵制奎俊謹肅諫

二十四日 駐蹕西安府城

松壽奏雨水漲發蹕路坍塌請展期回鑾摺

二十五日 駐蹕西安府城

奕劻李鴻章電信 和議大綱佳電聲明最要只賠款禍從兩端十五  
日據各使照會附送還款表一紙前五年除付利外每年帶還本不及  
百萬嗣後按年遞加至三十九年止統共還本利九百八十二兆二十  
三萬兩較從前各表所省尙多所指抵款仍如前電鹽課釐並常關進  
項餘剩之新關各稅及進口稅切實值百抽五並免稅各貨酌量照徵  
內惟常關應歸新關管理此外并不干預惟知目前財力艱窘允緩半

年付利由西歷明年正月初一即華冬月廿二起照付仍將此半年息銀分三年帶付此外詳細節目正在推敲至外省禍從專屬英法二國催據該使核定送到內有輕減者即日繕單馳奏務求早降明諭惟奉電旨催令畫押臣等派員催詢已可就範昨德使穆默來臣鴻章寓密商將前後所議已定未定各款用洋文臚列擬成一約據稱各使意見不一宜再立約以整齊之以免撤兵遲誤內惟禁軍火通商行船二款尙未議及伊等以運進軍火暫停二年通商各事頭緒繁多非目前能定惟吳淞口天津海河淤淺過甚必須中外合力集資修濬此當載入約內伊等擬再會議一次即定稿互商畫押此押一畫各國訂於七月初二以前將京城洋兵除留護京館外餘俱撤淨合先詳晰奏聞仰慰

劉坤一  
全權大臣  
德領送浚  
吳澄辦法  
喧賓奪主  
請力爭電

聖廬請代奏奕劻李鴻章寄

二十六日 駐蹕西安府城

劉坤一致全權大臣電信 由德領奉穆使飭來寧商挖吳淞淤沙將  
辦法開送應設專局各領公派二人並滬道稅司商務公會派二人法  
英工局各派一人商人每年進出貨過五十噸者派一人租界至吳淞  
並界旁蘇州河及各小河小輪民船來往均歸局章辦理挖泥並修築  
河岸河有阻礙之物及浮樁水表均歸局作主經管用費約四百萬借  
債給利年用五十萬至二十年還清租界內納稅界外至吳淞口沿河  
邊地納稅吳淞黃浦別處來船加稅進出貨加稅中國歲撥船鈔二十  
三萬二十年後仍照舊用之費照派五萬五千各使商鈞處約款願在

七月初二以前畫押修浦江在內謂鈞處願南洋先允俟畫押方撤兵並聞各國尤加稅亦要允准浦江之章云英領亦即來省面言此事果如德領所云中國官河事由各國派官商會辦則事權旁落後患靡窮能由局道與稅司主持各國只派官商查考用項參贊工程方免喧賓奪主因商輪過大累及民船出費並及由滬至淞沿邊地畝不獨由邊至內計深若干並無定數且岸邊之地不挖淤亦無礙水利乃亦須納稅浦江出入民船爲多名雖華洋統捐實則大半取自華民力田小民撐駕船戶重加徵收未免無辜受累情有難堪惟事關大局尙乞設法主持如何予以區別能爭一分卽獲一分之益並望電示爲禱坤宥  
軍機處致全權大臣電信 吳淞口天津海河係天然攔沙並非淤淺

渭河工程不在原約之內請妥商電

前各國屢請開濬未許此事本不在原約之內自可另與磋商不得混入此次約內且查薩使前遣傑彌遜赴江鄂時江督來電傑曾面稱如能將吳淞淤河許彼開通即加稅值百抽十二五亦未嘗不可言猶在耳是開河於彼大有益更應另議何得混入約內務祈據此向商妥籌緩議爲要

### 二十七日 駐蹕西安府城

盛宣懷致各國願關稅估足值百抽五並免稅各貨酌量照徵此係去年第一議所加無多於釐金毋庸撤併自可先行照辦有益無損如將來欲我撤併釐金似非照去年第二議正子加倍值百抽十五不可似須請全權預留地步宣懷養

盛宣懷電 各國願關稅估足值百抽五並免稅各貨酌量照徵此係去年第一議所加無多於釐金毋庸撤併自可先行照辦有益無損如將來欲我撤併釐金似非照去年第二議正子加倍值百抽十五不可似須請全權預留地步宣懷養

奕劻李鴻章致俄使請先開  
商密約三端然後開  
議電

## 二十八日 駐蹕西安府城

奕劻李鴻章電信 滬密頃俄使派員來稱昨晚接其外部覆電先商  
三端一現奉旨有議論東三省之權一議定畫押之先不得使他國人  
預知此事一兩國定約均係甘心自願所商量所答應之事不聽他國  
指使以上三條請辦一機密照會然後開議等語臣鴻章面告以此須  
請旨遵行惟原約今昔情形稍異如第八條賠兵費九十條鐵路賠款  
均應在各國公約賠款數目之內第四條禁軍火入滿洲應照各國公  
約訂限兩年均須酌量刪改東三省盜匪蔓延應准添設兵隊必須另  
議該國不得以訂約在先不准商改彼允先覆格使知至前奉願電照  
會各國公議謂可互相牽制向例兩國議約無轉商別國者故冬春屢

魏光燾等  
致外部漢  
路請商法  
使電詢法  
廷指明劃  
一辦法電

奉電諭未敢照行卒致英日勸阻遂作罷論俄人至今引爲恥辱今日再議及此必至永遠決裂又督電所陳公約大意各使均以挑浚吳淞口天津海河淤沙爲和議大綱十一款通商行船事宜最要之件不得謂其不在原約之內惟所擬挑浚吳淞章程權歸衆商實難照辦若剔出另議公約必不能成傑彌遜前議開沙即可加稅薩使謂本無此意傑言斷不可信請代奏奕劻李鴻章勸

## 二十九日 駐蹕西安府城

雲貴總督魏光燾等電信 宙密鐵路謀始最難切商方蘇雅三端一彼此推誠實告二凡事商妥乃行循序漸進三專認法派省員商辦路事不與他洋員案議鐵路工程應歸公司商務人員專辦方均照允較

前和平受商就目前論尙覺相安方云路章須京議定發滇核辦目前多員來滇無益應俟定章後陸續赴辦所議甚當乃近有法員十九人來抵河口傳聞尙有續到者詢詰方領據云此項洋員多係越督派來武官辦路不宜已電請截留緩進並稱越督只辦越路滇路應歸公司專辦不能由越督攪管均申達外部法使等語方論果確實利交涉但恐剖釋無成則在我尤深隱慮釐等愚見無論法派何員但能和平體察均可會同商辦若任聽越督遙制暗主紛派武員攪管路工武斷隔閼民情疑沮後事棘手滇難任咎可否於定章時請鈞署訂明此節並先懇據商法使電詢法廷指明劃一辦法俾現辦路務早得依據伏候鈞示不勝企禱再省城教案現與主教開議索賠過奢須費磋商礦務



正核議章程均俟辦有端緒另電請示魏光燾李經羲叩呈巧

七月初一日 駐蹕西安府城

上諭前擇七月十九日回鑾早經降旨宣示朕侍奉聖母皇太后無日不瞻懷宗社北望思歸方擬依期啟鑾早紓慈念乃昨據升允奏稱關中秋熱較伏暑尤甚大雨之後泥濘彌旬懇請展期回鑾並代奏陝西全省紳民籲懇俟天時涼爽再行啟蹕庶萬乘之重不至冒暑過征等語復據松壽奏稱本年夏令積雨連旬河水驟發蹕路多被冲毀靈寶關鄉等處深溝一線之路山水暴注尤屬危險泥深數尺節節沮滯鞏縣行宮現因洛河漫溢工程亦有損失刻正設法趕修因思七月間秋熱方盛六飛載道實非所宜懇恩將回鑾日期改至八月節後秋高氣

爽較爲安適一摺該撫等所奏查係實情不能不加審慎沿途行宮前已有旨力從簡略即或備辦未齊原可遷就惟山溝險窄積潦未退勢難暢行且秋陽正熾溼熱薰蒸聖母高年方資衛攝值此憂勞靡暇尤宜保重起居若長途跋涉逐暑邁行揆諸敬養之道朕心萬不能安即天下臣民之心亦必不安再四籌維祇有籲懇慈恩勉從該撫等所請准改於八月二十四日恭奉慈輿啟蹕回京所遲不過月餘一切較爲妥慎著卽遵照辦理將此諭令一體知悉各該地方官仍著屆期敬謹預備

上諭所有回鑾時經過直隸河南陝西地方著加恩豁免本年錢糧其已完者准其流抵明年正賦

劉坤一致  
樞垣英德  
各領借滄  
河要挾已  
商全權並  
駁覆電

劉坤一電信 現英德領事來商吳淞濬河出示辦法須設局由各國同派官商及關道稅司十四人承辦工費約四百萬借債給息二十年還清經費利息每年需四十六萬半由中國籌付指動船鈔半由受益中西各商認出指地皮住房進出口貨抽十分之一海關稅鈔加五分若此事未辦成進口稅不得加至百分之五進口免稅貨均一律照完德領事所交節略說帖並有租界外至吳淞口沿河地及民船均抽稅之說英照會無之德照會又有坐落界旁之蘇州河及各小河小輪民船並挖泥修築堤岸阻礙河道之物及浮樁塔表均歸局作主此項已與全權商議節略務須全允於七月初二前畫押方將直隸屯兵撤退加稅亦須俟允准修浦江章程等語此即與全權奏相仿又英領事節

略有此事未安不允洋貨稅收足抽五意在要挾權利所在不能不磋磨而撤兵加稅關繫全局不宜因一口之事致有牽制是以先後將英德商辦各節電達全權議辦並以中國官河中國有自主之權即會籌工費西商僅出十之二三局由各國公辦礙我自主之權各國欲派官商無非欲工程有益用費核實此舉應由關道稅司設立總局議定開挖章程及用費並由各國所派官商會商查核辦工洋人由各國公舉其餘事宜均歸關道稅司作主工程既竣停捐撤局善後亦歸關道司經理民船民田與局無涉應免抽費傑彌遜前有如許開通稅准值百抽十二五之說此僅抽五仍依舊則不過核實而已今允開淤河宜加抽現電全權及分致英德日各領事屬轉達籌商矣

李鴻章致  
順直教案  
結順直  
情形  
電救案

初二日 駐蹕西安府城

李鴻章電信 順直教案承再撥百萬連前共二百萬若各省速行解到尙可救急教案截至五月底止共結案九十二州縣就地籌三百三十五萬民間已付出一百十七萬尙欠二百十八萬餘兩仍有三十餘州縣磋磨未結大約須添七八十萬今已撥二百萬只好酌緩錢糧差徭以調劑之近日拳匪多被官兵擊散善後撫綏又需鉅款不免挪移京城教案前請二百萬不在此數又劃歸大賠款並京城教案共四百萬亦不在此數

奕劻李鴻章奏與各使磋商禍從處分請明降諭旨摺

又奏河南藩司延祉等與各使商允免議並請將晉昌等罪名重降諭

李鴻章奏  
俄使云若  
能補畫前  
約則交收  
以後可遇  
事商辦電

旨片

初三日 駐蹕西安府城

李鴻章電奏 願電旨敬悉俄事誤在春初羣言淆雜致俄主允改之約停畫臣屢電諫阻不蒙採納遂成日久不結之局悔何可追今奉旨嚴斥違即商俄使電詢其外部昨據面稱迄無回電其意可知彼私議若俯允前約補畫則交收以後可遇事商辦只要中朝誠心和好勿聽外人搖惑兩國睦誼尚可重聯若仍要商改我主已定之約臣下斷不敢置喙至英日阻我畫約以後作壁上觀迄今默無一言此有意離間邦交確證豈可由我再照會各使公議授人以柄有損無益總之東省根本重地我不可一日忘而各國若淡然忘之且便其他日效尤瓜分

奕劻李鴻  
章致樞垣  
禁運軍火  
各使請以  
兩年爲期  
電

之計願朝廷深長思之請代奏

旨電奕劻李鴻章著與俄使婉切商辦安定約章使各國不至有辭至挑濬淤河先時未經議及既該大臣云在通商行船款內應卽歸入商約緩議辦理仍宜早定公約以省葛藤

全權大臣電信 禁運軍火一事據各使照會請以兩年爲期應否續禁俟期滿再議並請明降諭旨告以勦辦土匪彈壓地方非軍火不可各使答稱如有要需亦可隨時商辦揣其用意不過因已載明第五款藉請旨爲收束耳請代奏

辦理政務處大臣奏遞整頓漕務片

上諭漕政日久弊生層層剝削上耗國帑下朘民生當此時事艱難財

用匱乏亟宜力除糜費核實整頓著自本年爲始各直省海運河運一律改徵折色責成該督撫等認真清釐將節省局費等項悉數提存聽候戶部指撥並查明各州縣向來徵收經費責成和盤託出全數歸公以期集成鉅款仍由該督撫將提存歸公各數目先行具奏至倉儲關緊緊要全漕既經改折自應按年籌備詳定辦法所有採買運解收放儲備各章程及到倉後應如何嚴責成防弊竇之處著漕運總督倉場侍郎分別妥議具奏

承修蹕路工程大臣張百熙等電信 除正陽門城樓工程緩修外計由午門起至正陽門橋牌坊凡露明處一律修飾估十成工料銀十二萬九千餘兩定於明日開工



全權大臣  
及戶部致  
滬道指撥  
款甚迫  
催各處速  
解電

## 初四日 駐蹕西安府城

全權大臣戶部致滬道電信 戶部前後指撥順直教案賠款四百萬  
除山東漕折另再電商江浙漕折已報匯解該關二成一半洋稅電奏  
改撥膠海關稅已飭總稅司提解外尙有宜昌關稅十萬安徽應還漕  
折十一萬通商銀行應繳武衛軍餉十萬江西湖北釐金各十萬鎮江  
藥釐四萬江漢宜昌共撥五萬粵海關稅十萬江蘇魚雷協餉改撥海  
防經費十萬東海關北洋機器局經費十萬金陵關新增稅釐五萬浙  
江四萬又續撥項下除川四萬重慶三萬已報解外尙有鄂十萬蘇七  
萬浙十一萬皖四萬湘八萬閩十二萬淮八萬滬一萬漢二萬江西四  
萬鎮江三萬粵海二萬閩關四萬九江八萬浙關四萬揚關一萬蕪湖

軍機處致  
全權大臣  
俄使先約  
三端辦法  
實屬難行  
電

關二萬准關一萬贛關一萬現在交款已迫應由該道電催各省速解  
即匯以應八月初之限萬勿遲誤慶李戶支

### 初五日 駐蹕西安府城

軍機處致全權大臣電信 奉旨勅電悉據稱俄使須辦機密照會三  
條然後開議細思實有難行所謂兩國定約均係甘心自願所商量所  
答應之事不聽他國指使一節是未經開議先須立一甘心自願憑據  
萬一有斷不能允之事何以處之即畫押之先不得使他國人預知我  
國自不以此事告知他國然安能禁他國人不知各國方揚言俄謂中  
國自願與之定約如此是更予各國以口實矣俄國曩宣言不佔中國  
土地若惠顧舊好能將前約改訂我所甚感惟必須不奪我兵權及地

方自主之權方爲妥協自然心甘至前約於東三省鐵路礦產商務利益有不得再允他國之語此層尤爲棘手各國所出而爭論者必卽在此若經應允俄國則各國必將效尤禍患之至不可言矣中國固不足以當俄又豈能當各國此中關繫緊要該王大臣深爲朝廷倚賴務須與俄使婉切商辦安定約章使各國不致有辭則俄國之保全中國實大不僅來電所指數條須有商改也至挑浚海河淤沙先時原未議及旣謂在通商行船款內應卽歸入商約緩議辦理仍早定公約爲要樞  
冬

臣奕劻臣李鴻章奏爲各國使館所佔民房議定給價請旨飭撥的款恭摺仰祈聖鑒事竊查各國使館擴充地界由東交民巷至長安街崇

給價請飭  
撥的款摺

文門大街一帶所佔四至疊經臣等電奏在案現在劃入界內房屋除公所衙署府第廟宇不計外所佔民房均係私產前據日斯巴尼亞國領銜使臣葛絡幹照會內稱各國使臣以此等遷徙失業華民應由中國出資償補並公舉數人查覈契據真偽地價多寡應請中國選派練達之員相助等因臣等以此項房地爲何人所用價費應由何人付給屢與使臣等往返駁論數日之久彼終堅執不允並據聲稱如中國不允償補各國祇得從豐覈計歸入大款內撥付等語臣等伏思款旣必須我出與其各國自定任意從豐莫若派員與議庶可覈實當經派定章京兩員並咨由步軍統領衙門順天府府尹酌派數員會同設局與各國公使所派人員會商辦理茲據該員等稟稱會同查勘得東交民

巷至長安街及崇文門大街一帶民產上年因亂焚毀大半住戶遷徙一空洋兵入城後事局未定又被土匪拆毀甚多一望瓦礫所存無幾惟長安街路北所展公共道路佔至東單牌樓頭二條胡同及霞公府一帶房舍尙多整齊亦在應拆之列計自三月設局截至五月底止來局呈報者一千四百餘所計共民房一萬六千餘間疊與各使臣所派人員會議價值各該員總持各公使議論以此項房價應令足抵業主另行置產之數方爲公道並區爲上中下三等始則每間索價百餘金至數十金繼請按照契紙原價付給統計亦需五六十萬兩爲數太鉅斷難照允磋商四閱月乃減至上等房間三十兩中等二十兩下等十兩各該員猶以所定之價旣少應另撥地段以便業主建造房屋再三

辯駁始作罷論僅議定如有專報未經造屋空基每一方丈給銀三兩  
現查各戶所報此項空基無多暫且毋庸計算現就上中下三等共房  
一萬六千餘間統而計之非籌備銀三十五萬兩不敷分撥此項銀兩  
急須應付緣各業主投契數月情況窘迫勢難再緩稟請具奏前來臣  
等查光緒十三年順天府辦理貢院添蓋號舍佔用民產係由工部分  
四等定價每間由八十兩至十餘兩不等此次所定每間價目較之貢  
院收買民產有減無增既經該員等力與磋磨無可再減自應照准以  
紓民困所請籌備銀三十五萬兩係就房屋間數估算實需之數各業  
主家產既失困苦堪憐專候恩施以便各安生業理合奏懇飭部迅速  
照數指撥的款銀三十五萬兩交上海道電匯來京再由臣等轉飭該

員等逐戶詳查覈實分給造冊報銷如有盈餘事竣咨部繳銷以重款項除將來往照會鈔送軍機處外所有懇請飭撥使館所佔民房給價銀兩緣由謹繕摺具陳伏乞皇太后皇上聖鑒訓示遵行謹奏光緒二十七年六月二十五日發七月初五日奉硃批著戶部迅速籌撥

劉坤一電  
事未聲明  
主權人  
恐失主權

劉坤一電信 全權艷電有徑沁電悉和議總綱第十一款載明凡通商行船各約各國以修改爲有益者中國認與商議更改吳淞挑沙關繫通商行船各國視爲要務即不允海關辦足值百抽五及刪除免稅之例彼援第十一款議辦我亦無從駁阻各使因議抵款附商照送吳淞章程就事而論各國因吳淞淤沙於大輪船出入阻礙屢請疏濬前迭飭滬道辦理率皆半途而廢此次各使必欲派員實有所不得已尊

處謂此事必應由華官主政領事僅可派人稽查用款立論甚正然閱  
送來章程派人次序當有上海道稅務司居前各領事在後亦不可謂  
非關道主持至沿岸田房抽捐於理欠合英德領事既向尊處陳說應  
請就近派員妥速商酌此事不辦則公約必不成洋兵必不撤事關總  
結畫押議定乞即電知船鈔一節已詢赫德據稱恐不敷用候覆到另  
電至傑彌遜稱挖淤即可加稅值百抽十二五之說英使絕未言及且  
云傑語不可信並聞云現覆以艷電悉民田民船抽費英領面云本未  
議抽及此德領告局員謂民船本不收費前係誤譯沿河田恐小民苦  
亦可免昨德領函覆云修理淤口尊函解說一稅司關道爲督辦其餘  
各員爲參贊二沿河邊田及民船無須抽稅三船鈔須歸北京作主業



已稟駐京大臣想和議畫押不致因此耽延英領函亦云將函譯呈公使先回滬今日貝領偕英班領來晤謂公使電全約待此應允方定告以黃浦江現已允開除民船民田免捐外祇於辦事之權不能不屬海關英總領又謂由各國派員設局奉薩公使電祇令告知並未令其商議答以既無可商議何須費詞英總領擬即返滬查派辦此事雖有關道稅司在內事由何人主持究未聲明關道稅司均謂權不可失縱開淤有關通商行船在我祇須允辦在彼不應攬權況開淤以工程用費爲要今允由各國派官商會同商辦工程查察用費並公舉辦工洋人於開淤之事已屬切實辦法此外皆稅司關道分內之事自未便因借開淤一併干預不獨礙一口事權且恐以後遇事援例並南北各口自

主之權亦失此事僅告知敵處不與會商自應歸尊處定議惟其中事權所關不敢不請鼎力主持熟商等語謹聞坤東

初六日 駐蹕西安府城

初七日 駐蹕西安府城

初八日 駐蹕西安府城

全權大臣電信 景山內駐守法國洋兵現已撤退當即恭詣壽皇殿等處敬謹接收其三海等處亦經德國陸續交還當傳該處總管首領並奉宸苑官員看守

初九日 駐蹕西安府城

李鴻章電信 電旨敬悉甘心自願訂約俄佔我土地非訂約不能交

李鴻章致  
樞垣俄佔

東省非訂  
約不能交  
收電

收若各國揚言中國願與訂約照各國意必永遠不訂約永遠不交收而後可有是理乎我即甘心自願其斷不能允者必須辨駁亦不慮無以處之不奪我兵權及自主之權議約時自當力爭至前約所訂東省礦產商務利益不得再允他國此應分晰言之東省係俄力戰而得鐵路礦產利益似應允爲專利即如山東並非德人戰力所得而礦與路已爲所佔獨不慮俄國效尤耶商務利益各國均沾字樣向來有例俄亦不能禁人不往倘照來諭婉商恐數百年亦不能定局也東省永還矣無法可商仰希鑒亮至挑濬淤淺一節天津早議辦滬江屢辦未成各使以爲通商行船約章正文亦無另議商約之說若不允辦不能退兵誠恐別生枝節另議緩議均辦不到

軍機處致  
全權大臣  
總期俄約  
早成全局  
無礙新酌  
辦電

軍機處致全權大臣電信 魚電已進呈交收東三省自無不訂約之  
理朝廷所以持重者非不願及早訂約在訂約之無後患耳來電謂不  
能允之事必須辨駁不奪我兵權及地方自主之權議約時自當力爭  
數語極爲扼要如此力任其難實所倚仗否則如前約十一條我主權  
利權兵權全失是名還而實同不還何以自存況各國於此事密探環  
伺具有深謀我與俄定約之後不至藉端效尤否尊處身處局中洞悉  
窾要所言究竟有無把握此非爲詰難之辭實以關係太重聖心憂慮  
諭令詳晰奉商更望暢陳尊見不憚往復盡言以決所從總期俄約早  
成全局無礙實惟盡籌是賴非大力固不能辦此也萬一仍難定議可  
否按照俄國創立保和會條約特請畫押之友邦或一國或數國出而

奕劻李鴻章致樞垣各使送到總結約款請降旨以便畫押電

呂海寰致樞垣醇親王觀見傳擬令參隨叩首力爭不允請旨電

和解從中調處亦是一法統祈酌辦電覆

奕劻李鴻章電信 頃領銜口斯巴尼亞葛使業將總結條款備文送來大致均係已經允辦之件惟須停考試懲處外省各員禁運軍火三事有明降諭旨方能會同畫押查懲處外省各員摺單暨停考請明降諭旨均前月二十三日發計日內可到又大綱第五款禁運軍火暨製造軍火各種器料進口議定兩年爲期艷電請降旨自己早達務請速降明諭三道以便畫押而完和議請代奏奕劻李鴻章歌

呂海寰電信 醇親王將到德都覲見禮節屢探無確音頃探得德主在白廳坐見醇親王王行三鞠躬禮參贊各員入見須叩首彼云此是謝過非常時觀見海力爭之不允請旨以便告知醇親王

李鴻章等  
奏報皇史  
宬尊藏實  
錄聖訓遺  
失情形摺

全權大臣電信 英德法三國兵均於初三日撤退壽皇殿三海等處

已交還現分派弁兵駐守

初十日 駐蹕西安府城

大學士臣李鴻章臣榮祿

在行

臣崑岡臣王文韶

在行

協辦大學士臣

崇禮臣徐卨等奏爲據實奏聞仰祈聖鑒事竊自和局議定各國聯軍  
始於本年五六月間節次將上年佔領地段及衙署等處逐漸交還臣  
等當因皇史宬爲尊藏實錄聖訓重地向歸臣衙門兼管一經聞悉該  
處洋兵撤退即於六月二十日派令臣衙門掌印侍讀紹昌前往接收  
並囑其查看情形敬謹封固旋據該侍讀稟稱遵查皇史宬石門已開  
拐鎖門門概行失毀石門內台上恭存金櫃共一百四十一隻尙不短

少惟匱上單單鎖鑰暨前後什件並卷數金牌無一存者恭檢前面櫃內樟木內函暨龍袂牙籤全行失去函內實錄聖訓間有只牘一二本者並有污損形迹靠後金櫃限於地勢非逐櫃挪移另地設案將函卷請出按次詳細清查不克備悉短失卷數至石門內門扇牆壁石台均無損壞情事常將石門關閉暫用封條黏固並將門扇尺寸丈量清晰迅即配購拐鎖木門於次日傳集守護該處之守尉守吏等眼同封鎖嚴飭該守尉等常川看守以專責成各等語臣等恭查石室藏書古今盛典惟我朝敬宗尊祖尤爲前代所無詎倉卒變生致有遺失情事此皆臣等知慮短淺未能先事預防慚憤曷極現聞守護禁門之日本洋兵擬於七月間撤退彼時臣等自應回署辦事即當由臣等率同侍讀

中書等逐日前往皇史宬將滿蒙漢各文實錄聖訓敬謹澈底查明實在短失數目應如何補繕之處再當請旨遵行至臣衙門逐日應進實錄向存內閣大庫前於光緒二十五年因庫內滲漏奏請興修當將實錄聖訓移置文華殿東廡尊放昨臣衙門侍讀紹昌隨同尙書世續專使大臣那桐恭奉國書用寶據該侍讀稟稱就近至文華殿看視鎖鑰封條均無脫落痕迹臣等覈其情節其爲無所遺失已可概見將來補繕皇史宬所失卷數儘可奉爲底本至金匱內外所失物件如內函鎖鑰龍褂牙籤等項均屬派員清查時必須備用之物應如何覈實購辦以期迅速而昭慎重之處伏候聖裁所有皇史宬尊藏實錄聖訓遺失大概情形理合據實先行奏聞伏乞皇太后皇上聖鑒訓示謹奏光緒



李鴻章等  
奏皇史宬  
石門內舊  
存銀印全  
行失去片

二十七年六月二十二日發七月初十日奉硃批著即派員敬謹清查將應用各物製備齊全所需經費核實開報餘依議

李鴻章等片 再查臣衙門兼管之皇史宬石門臺下向存虎紐銀印一箱計共三十四顆係我朝命將出師凱旋恭繳者比因上年變亂箱內銀印全行失去臣等謹將該印名目按照臣衙門所存印譜開單恭呈御覽謹附片陳明伏乞聖鑒謹奏光緒二十七年七月初十日奉硃批知道了

謹將皇史宬遺失銀印數目繕具清單恭呈御覽

奉命大將軍印一顆

改鑄清篆印一顆

撫遠大將軍印一顆

改鑄清篆印一顆

寧遠大將軍印一顆

改鑄清篆印一顆

安東大將軍印一顆

改鑄清篆印一顆

征南大將軍印一顆

改鑄清篆印一顆

平西大將軍印一顆

改鑄清篆印一顆

平北大將軍印一顆

改鑄清篆印一顆

欽命總理一切軍務儲糧經略大臣之印一顆改鑄清篆印一顆

鎮海將軍印一顆

改鑄清篆印一顆

揚威將軍印一顆

改鑄清篆印一顆

靖東將軍印一顆

改鑄清篆印一顆

征南將軍印一顆

改鑄清篆印一顆

定西將軍印一顆

改鑄清篆印一顆

定北將軍印一顆

改鑄清篆印一顆

靖逆將軍印一顆

改鑄清篆印一顆

定邊將軍之印一顆

改鑄清篆印一顆

定邊右副將軍之印一顆

改鑄清篆印一顆

以上銀印共三十四顆

十一日 駐蹕西安府城

奕劻李鴻章電信

各使送來總結條款底稿仍按上年和議大綱十

二款次序首列各使及全權銜名次弁言其文曰今日會同聲明核定

大清國按光緒二十六年十一月初一日文內各款當經大皇帝於十

奕劻李鴻章致各使  
譯呈各使  
送來總約  
底稿候旨  
遵行電

一月初六日降旨全行照允足適諸國之意妥辦等語（以後即按款臚敘）茲提要節錄如左

第一款 一德國克大臣被害奉旨欽派醇親王爲專使大臣赴德代表惋惜之意醇親王已遵旨起程 二暨立銘誌之碑與克大臣品位相配現於遇害處建立牌坊已經興工

第二款 一懲辦傷害諸國國家及人民之首禍諸臣將上年十二月二十五本年正月初三等日先後降旨所定罪名開列並將承認獲咎之各外省官員降旨分別懲辦 二某年月日奉旨將諸國人民遇害被虧之城鎮停止文武各等考試五年

第三款 日本書記生被害已派戶部侍郎那桐爲專使

第四款 諸國墳塋建立滌垢雪污之碑銀已付清

第五款 軍火暨專爲製造軍火各種器料於某年月日奉旨禁止進口二年

第六款 按照本年四月十二日上諭允定付諸國償款海關平銀四百五十兆兩此款係上年十一月初一日條款第二款所載之各國各會各人之賠償總數

甲 此四百五十兆係照海關銀兩市價易爲金款此市價按諸國各金錢之價易金如左（不備錄）此四百五十兆按年息四釐併本利分三十九年按後附之表清還本息用金付給或按應還日期之市價易金付給各款應按每屆一年付還初次定於一千九百零

三年正月初一日付還利息由一千九百零一年七月初一日起算  
中國亦可將所欠首六個月即算至一千九百零一年十二月底之  
息展在自一千九百零二年正月初一日起即中歷本年十一月廿  
二日於三年內付還但所展息款亦應按年四釐付息

乙 此欠款一切事宜均在上海辦理諸國各派銀行董事一名會  
同將所有由中國官付給之本利總數收存分給有干涉者該銀行  
出付回執

丙 中國將全數保票一紙交付駐京領銜大臣手內此保票以後  
分作零票票上由中國官畫押

丁 付還保票財源各進款應每月給銀行董事收存抵所定承擔

保票財源列後 一新關各進款俟前已作爲擔保之借款各本利付給之後餘賸者又進口貨稅增至切實值百抽五將所增之數加之所有向例進口免稅各貨除米糧麵金銀錢外均應列入值百抽五貨內 二所有常關各進款在各通商口岸之常關均歸海關管理 三所有鹽政各進項除還前泰西借款外餘剩一併歸入至進口貨增至切實值百抽五諸國現允可行惟須二端一將現在照估價抽收進口各稅凡能改者皆當速改按件抽稅幾何定辦改稅應以滿三年各貨價值牽算其未改以前仍照估價徵收 二北河黃浦兩水路均應改善中國國家應撥款相助增稅一層俟此條款畫押兩箇月後即行開辦

第七款 大清國國家允定各使館境界以爲專與住用之處並獨由使館管理中國人概不准在界內居住亦可自行防守使館界綫於附件圖上標明按照上年十一月二十六日文內條款中國國家應允諸國分應自主常留兵隊分保使館

第八款 大清國國家應允將大沽礮臺及有礙京師至海通道之各礮臺一律削平現已設法照辦

第九款 按照上年十一月二十六日文內條款中國國家應允諸國分應主辦會同酌定數處留兵駐守以保京師至海通道今駐守之處係黃村廊坊楊村天津軍糧城塘沽蘆臺唐山灤州昌黎縣秦王島山海關



第十款 大清國國家允定兩年之久在各府廳州縣將以後所述之上諭頒行布告 一上年十二月十三日上諭永禁或設或入與諸國仇敵之會違者皆斬 二本年某月日上諭一道犯罪之人如何懲辦之處均一一載明 三本年某月日上諭諸國人民遇害被虧各城鎮停止文武考試 四上年十二月十三日上諭各省督撫文武大吏暨有司各官於所屬境內如復滋傷害諸國人民之事必須立時彈壓否則革職永不敘用以上諭旨現於中國全境漸次張貼

第十一款 大清國國家允定將通商行船各條約內諸國視為應行商改之處及有關通商各他事宜均行議商現按第六款賠償事宜約定中國國家應允襄辦改善北河黃浦兩水路 一北河改善河

道前會同中國所興各工近由諸國派員重修俟天津交還後即可由中國派員會辦中國應付海關銀每年六萬兩 二現設黃浦河道局整理水道該局經費豫估二十年用海關平銀四十六萬兩半由中國付給半由外國有干涉者出資該局員差各權責及進款詳細各節皆於後附文件內列明

第十二款 本年六月初九日上諭將總理各國事務衙門改爲外務部諸國大臣覲見禮節均可商定茲特議明以上所述各語及執附諸國大臣所發之文憑均以法文爲憑（條款畢）

大清國家既按以上各款足適諸國之意妥辦將上年變亂局勢完結諸國亦允照隨行是以諸國全權大臣奉各本國政府之命聲明除

第七款所述防守使館兵隊外諸國兵隊於本年某月日全由京城撤退並除第九款所述各處外亦於年某月日由直隸撤退今將以上條款繕定同文十二分由全權大臣畫押諸國全權大臣各存一分中國全權大臣收存一分光緒二十七年某月日在北京定立等因款內所載歷次諭旨及往來文牘均附各款之後是以停考五年地名懲處各員人名暨禁止軍火並專爲製造軍火器料進口均請速降明諭以便載入其京師直隸撤兵各日期當俟正約畫押時填註臣等伏查去秋各國聯軍闖入京城聲勢浩大乘輿播遷幾不知如何結局直至冬月下旬始送到議和條款不容我改易一字朝廷爲息兵救急之謀祇得俯如所請既經許其照辦斷難失信外人且彼恃其兵力之強亦決不

容我失信嗣各國以各款不能迅速照辦爲辭橫生枝節經臣等多方設法竭力磋磨直至四月間賠款議有端倪奉旨允付償款四百五十兆並許認息四釐事機始漸順手京師地面亦陸續分段交還然地面雖大半交回各國以爲未訂全數撤兵之期尙有佔理地方權力英使薩道義尙堅執外省獲咎人員及停止考試二事未經辦完斷難許有全數撤兵之期而獲咎人員散在各省查覆需時軍機處及各督撫來電常有應商減免之員各使甚爲厭煩又不肯以時答覆遂至曠延時日其償息抵款除鹽款常稅外各使均不願受而德穆使初擬賠款表共須付還本利至九千零七十餘兆之多屢經苦口相商始改成末次款表計可省銀九千萬兩各使商辦進口貨收足值百抽五並免稅貨

徵稅亦遲之又久而後定其天津渤海河黃浦挑淤沙皆各國蓄意必辦之事今既用爲增稅酬報且關繫大綱十二款通商行船事宜斷難駁阻黃浦治河各使附來章程再三酌商已有數條於各領事上加寫南洋大臣字樣似尙不至喧賓奪主舊約既未作廢第十一款更改商約一語即可就此了結若開河事從緩另議斷做不到臣等於條款稿送來之前一日曾備照會敘述南洋來電切實商酌迭准各使文函答覆均稱事關各國政府商定不能再議請將條款早日請旨畫押竊思各款關繫重要之事均已陸續定議若爲黃浦挑淤遲延不能畫押殊失海內外商民之望必致另生枝節大局安危所繫用敢披瀝直陳伏乞迅賜宸斷俯准照議畫押不勝悚切待命之至除將黃浦事來往照

李盛鐸奏  
變法宜定  
宗旨請派  
員出洋考  
察獲益較  
多摺

會鈔咨外請代奏候旨遵行奕劻李鴻章陽

十二日 駐蹕西安府城

出使日本國大臣李盛鐸奏爲遵旨議覆事前奉上諭着各督撫及各  
使臣酌議變法以圖自強等因查變法之道首在明定宗旨宗旨不立  
不獨圖新諸政窒礙難行且恐依違遷就百弊叢生未覩其利先受其  
害是大不可也查各國變法如美如法皆以共和民主爲政體於中國  
斷不可行惟俄德日本其變法情形於今日較爲相近俄以帝國君主  
專制爲政體兵強而工商不興國用不足負債較多德日以帝國君主  
立憲爲政體工商進步甚速賦重而令嚴國用雖不能有餘而欠債較  
少此各國變法之大較也現在更定政要似宜擇善而從可否飭令政

務處參考各國政體會同商擬恭候聖裁俟政體定後再將各國良法美意酌中定擬候旨遵行至於各國變法自君主以下皆親歷外國考其政治如俄彼得親往德國兵廠學習日本派大臣數人游歷各國考其得失歸而斟酌損益遂以富強可否飭下政務處多派人員赴各國考查諸務似於空立議論集益較多謹奏

### 十三日 駐蹕西安府城

軍機處致  
全權大臣  
德皇接見  
醇王不以  
通例相待  
請力爭電

軍機處致全權大臣電信 接呂使電德王坐見醇王行三鞠躬禮遞國書致頌參贊入見者均叩首等語中國於懲罪賠款久已誠心謝過特派親王出洋本欲重修舊好今德國於各項禮節不以通例相待中國臣民聞之均懷不平且德親王亨利前曾到京我皇帝格外優禮出立

御座並於納陞上賜坐此中國非常異數今醇王與亨利實爲敵體乃德主坐見尤於邦交之禮未協務望設法電達德外部切實力爭爲要辦理政務處遞鑄造銀元奏片

上諭鑄造銀圓與圓法相輔而行較爲利便必須明定章程先由京外各庫於收放各款內搭成行用昭示大信方可推廣暢行近年各省所鑄銀圓惟廣東湖北兩省成色較準沿江沿海均已通行應即就該兩省多籌銀款源源鑄造即應解京餉亦准酌量撥作成本仍以每圓庫平七錢二分爲準並兼鑄小銀圓以便民用而收贏餘每次報解京餉准其搭三成所有鑄造餘利儘數覈實歸公此外各省並可撥款附鑄不必另行設局亦准搭解京餉凡各省徵收錢糧稅釐概准以銀圓搭



用三成完納各州縣解省司道等庫各省關解部庫均按三成搭收一切支發俸餉亦統按三成搭放仍嚴禁吏胥刁難挑剔諸弊務使收發一律毫無畸輕畸重自可逐漸暢行俟暢行後再行按成遞增以期行用日廣著戶部及各直省一體遵照辦理並著廣東湖北各督撫嚴飭局員多擇良匠加意鑄造務令成色絲毫無爽益求精工如查有參差不齊之處即將經管之員嚴叅重懲其認真考覈有利無弊者酌予獎勵所有動撥出入款項及每月鑄成銀圓數目仍按季報部查覈以昭慎重

全權大臣電信 支電悉謹代擬明降諭旨如左

販運軍火本干例禁乃通商口岸商人往往借官買爲名私運私賣近

奕劻李鴻章致電  
軍火上諭

請旨電

奕劻李鴻章致樞垣日美密告各國隱謀請旨速准畫押電

來土匪不靖亟應嚴申禁令以杜亂萌著各省將軍督撫暨各關監督先於兩年內將所有外洋軍火及專爲製造軍火器料一概不准販運進口云是否可用請定奪

全權大臣電信 昨傍晚日本小村使來臣奕劻處密告據美柔使託其轉致云和議總結條款各使俱已簽字斷乎不能更改頗有兩三國盼望中國不即畫押得以變卦要挾如畫押能速京城洋兵於畫押後五日內可全撤直隸洋兵除留護暢道數處外十日內外亦可撤盡如畫押遲延則蓄謀之國有所藉口伊等實愧莫能助等語查美使柔克義日本使小村素有相愛之意所言似出真誠日間計禍從案奏單已到務請將停考試辦禍從及禁軍火三事速降明諭並查照總結條款

陽電立准畫押以保大局否恐別生枝節一國悔議各國效尤後患何堪設想臣等不能不鯁鯁過慮也請代奏奕劻李鴻章卦

全權大臣電信 頃格使來催云東約必須及早畫押否則生變告以

奕劻李鴻章致樞垣  
俄使催畫押並請另  
簡駐俄使  
臣電

須俟朝命且行在覆電疑慮太多格云政府疑慮由於不明白冬春之間日本起關與英勾通多方囑惕云一定約事將決裂究之英不過偶爾附和日人虛詐至今日豈尙不知現在東省尙爲俄有非得已也中俄切身之事乃聽命於他國使朝廷受不信不明之責殊無謂也外部政府已再三聲明始能開議若置不理東省無交收之日矣語甚堅決可否照會將甘心字樣撤去餘均照行惟將來議到如何地步實不敢預言至楊使病亟請簡查使英羅豐祿明白中外情事似可前往接替

昨與格使商之伊云除桂春及拳禍案內三人不簡外此外悉從中國之便彼國無不接待之理請酌之

### 十四日 駐蹕西安府城

旨寄各省督撫制兵募勇糜餉浩繁著各就地方情形本年裁十之二三以後陸續裁撤其如何裁併之法限兩月內覆奏

### 十五日 駐蹕西安府城

軍機處致全權大臣電信 禍從停考已有旨電尊處頒行停考亦照來電不提軍火旨亦遵來電請旨照辦可即頒行

上諭羅豐祿着以三品京堂候補派充出使俄國大臣

懿旨頤和園一帶俟洋兵退後派兵守護電諭奕劻遵辦

## 十六日 駐蹕西安府城

上諭科舉爲掄才大典我朝沿用前明舊制以八股文取士名臣碩儒多出其中其時學者皆潛心經史文藝特其緒餘乃行之二百餘年流弊日深士子但視爲弋取科名之具剿襲庸濫於經史大義無所發明急須講求實學挽回積習況近來各國通商智巧日開尤貴博通中外儲爲有用之材所有各項考試不得不因時變通以資造就著自明年爲始嗣後鄉會試頭場試中國政治史事論五篇二場試各國政治藝學策五道三場試四書藝二篇五經義一篇考官閱卷合校三場以定去取不得偏重一場生童歲科兩考仍先試經古一場專試中國政治史事及各國政治藝學策論正場試四書義五經義各一篇考試試差

庶吉士散館均用論一篇策一道進士朝考殿試策問均以中國政治史事及各國政治藝學命題以上一切考試凡四書五經義均不准用八股文程式策論均應切實敷陳不得仍前空衍剽竊自此次降旨以後皆當爭自濯磨以四書五經爲根柢究心經濟力戒浮囂明體達用足備器使庶副朝廷求治作人之至意所有各場詳細章程及其餘各項考試未盡事宜著禮部會同政務處妥議具奏

上諭武科一途本因前明舊制相沿既久流弊滋多而所習硬弓刀石及馬步射皆與兵事無涉施之今日亦無所用自應設法變通力求實際嗣後武生童考試及武科鄉會試着即一律永遠停止所有武舉進士均令投標學習其精壯之武生及向習武學之童生均准其應募入

軍機處致  
全權大臣  
俄約請速  
定議總期  
無損國權  
電

奕劻李鴻  
章致樞垣

伍俟各省建立武備學堂後再行酌定挑選考試章程以資造就

軍機處致全權大臣電信 文電已呈覽俄約一事我並未聽他人指  
使亦斷不能預告他國此是定理惟俄人欲另辦機密照會未免過甚  
前次所遞國書已極開誠相懇望即照會趕速定議於前約十一條極  
力磋磨總期於我兵權利權及自主之權無損仍仗大力維持至來電  
所云議到如何地步不能預言自來辦事之人利鈍誠難逆睹然操縱  
機宜必有把握總以儘力辦去不至名還而實不還則他國亦無可藉  
口全局安危聖心切盼仰維匡濟宏此艱難

十七日 駐蹕西安府城

奕劻李鴻章電信 頃接醇邸自巴在爾覃亥電正擬力疾赴德以全

醇邸已赴  
德禮節能  
否更改尙  
無回音電

軍機處致  
全權大臣  
觀見德皇  
禮節姑通  
融酌允電

大局適接廣參贊電稱德皇已諭停止十四禮節請安能否更改尙未  
得宰相回音恐亦難辦並稱暫宜緩赴德京李希德已詳達外部並蒙  
德皇在行宮召見現候其電覆情形再定進止乞代奏並示遵行云奕  
劄李鴻章寒

### 十八日 駐蹕西安府城

軍機處致全權大臣電信 諫電所轉醇王呂使咸電已進呈呂使另  
電擬請各國原議公約使臣將受書禮節持平訂定以昭公論等語此  
事關繫至要現在正聯邦交各國皆重情誼望即堅託各公使出爲調  
停並與穆使婉切商議託其轉圖一面電知呂使與德外部再行磋磨  
總以磨得一分是一分如實在不能挽回應與照會議明此次專使原



爲道歉姑爲通融酌允以後仍按照各國通行之禮不得援此次爲例  
尊處託各公使調停應否將此意告知祈裁酌樞肅

十九日 駐蹕西安府城

劉坤一致全權大臣 巧電悉日外部細章尙未悉是各使未與  
其政府議定可知既云力爭恐延換約細章尙未議就是開浚必當照  
允細章可以商議是以允電小村邵道與各領議將滬口作局外公共  
之地稟詳雖尙未查見細察當時總有是說所謂局外者必指戰局之  
外似因軍務一時權宜指明其地爲公共居住兵不相擾並非如今浚  
淤設立公局將地方自治之權爲各國攘奪改作公同辦理務乞設法  
挽回爲禱坤效

劉坤一致全權大臣  
浚淤設局  
恐自洽權  
爲各國攘  
奪乞設法  
挽回電

奕劻李鴻章致德王赴德  
醇王已電德  
謝過已電  
達從權酌  
辦電

## 二十日 駐蹕西安府城

全權大臣電信 來電屬轉電醇王相機因應期於顧全大局仍與國體無傷等語尊意注重在坐受國書查丙申鴻章奉使俄國俄主即係坐受國書德皇傲慢性成不足計較嗣後歡宴閱兵均無失禮此次爲謝過而來實不能與亨利來華相比尊意所辨者坐受醇意所怪者參贊跪拜應酌中定議如德肯改期醇王進見可酌帶金楷理廣音泰前往張翼蔭昌可託病或出避以免拜跪受辱醇王年幼寡識現已電達從權酌辦呂使擬交各使持平酌定禮節各使多助德抑華萬辦不成全權大臣電信 初六驛遞上諭迄未奉到各使立候畫押催詢甚急務請將懲辦各員諭旨迅速電傳至停考上諭各使均請即以四月二

奕劻李鴻章致醇王  
呂使德  
禮節礙難  
照允希設  
法轉圖電

盛宣懷致  
全權大臣  
呂海寰電  
德皇允免  
跪拜禮節

十五日所發除去隨後商明允停四處附載約後可無庸電傳慶李效  
二十一日 駐蹕西安府城

全權大臣電信 嘯電計達約載派使建碑在我均已辦到乃彼於禮  
節格外要索國體有關礙難照允德之此舉公法所無駐京各使亦多  
不謂然但未便出頭勸阻嘯電辦法能照行否如或不便仍希設法以  
待轉圖慶李馬

二十二日 駐蹕西安府城

盛宣懷電信 呂使寄電跪拜禮屢與磋磨迄未就範聞德皇西九月  
六號出巡過期即不接見不勝焦急今早又見外部司員克勒梅剴切  
婉商已奉德皇諭跪拜禮允免遞書時只帶廢昌一人俱行鞠躬禮餘

奕劻李鴻章  
鹽課關稅  
兩事應由  
戶部酌定  
請旨飭遵  
文

均不見仍請住皇宮已電請醇邸今夜啟節明日兩點到柏林先電聞  
除電羅伍李三使外謹聞宣懷轉箇

### 二十三日 駐蹕西安府城

奕劻李鴻章咨軍機處文 爲咨會事照得各國償款本息分年攤還  
以各省鹽課釐及各關常稅暨海關進口貨稅收足值百抽五作抵並  
常關徵稅事宜改歸新關稅務司兼辦均經定議前於本年六月十二  
日據總稅務司赫德呈送節略請示常稅歸稅務司開辦日期當經本  
王大臣以必須於開辦以前先將頭緒理清酌開六條飭飭該總稅司  
分別議覆去後茲據覆稱奉到七月十六日鈞札奉此查應派現在各  
口之稅務司兼辦徵收常稅事宜劄內所指如山東之東海等十四關

此外尙有附徵等項土稅如山東之膠州湖北之沙市江蘇之南京福建之三都澳與廈門廣東之三水甘竹江門肇慶廣西之梧州各處似應一體兼辦方符新約至現爲洋兵佔據之山海津海兩關山海之常關已由俄國囑新關稅務司會同兼理俟兩國交涉事務議定後仍由該稅務司兼辦其津海一關雖駐有洋兵若由稅務司兼辦常稅與現已開徵之洋稅一體辦理似無不可惟粵海一關扣出不歸新關一節如此定辦非總稅務司所能主其常關分局距口岸五十里以內歸稅務司管理一節此議亦應作爲試辦若無事故亦必不到五十里之限俟詳查各口情形倘有五十里外之事與五十里內所應辦者甚有妨礙自當隨時申請酌辦其同在一口而除常稅外貨稅船料分歸別衙

門經理應仍循舊歸別衙門一節所擬是否合新約之意總稅務司不敢臆度至須按稅則權應稅之貨在常關地段收應徵之稅循常關向來舊例爲當各語自應試辦倘日後量有不可之處再行酌議總之此事無論如何訂辦其當收數必須每年辦到五百萬兩方與新約用意相符所有遵飭議覆各緣由理合備文申覆等情據此查總稅司申文內所稱粵海一關扣出不歸新關非總稅務司所能主其意若曰此須與各國公使商酌也所稱除常稅外貨稅船料分歸別衙門經理應仍循舊歸別衙門一節是否合新約之意總稅務司不敢臆度者其意若曰必俟各口稅司查明向來情形辦法及歲收銀數核之每年能否辦到五百萬兩之數以定從違也其餘語多活動總以先行試辦以備

日後改章地步本王大臣復查鹽課關稅兩事均隸戶部究竟應於何日開辦如何分別各關界限均應由戶部詳查酌定奏明請旨飭遵除咨行在戶部酌辦外相應鈔錄赫德原送節略暨本王大臣劄文咨會貴處請煩查照施行須至咨者光緒二十七年七月二十三日

二十四日 駐蹕西安府城

張百熙等奏勘修蹕路工程錢糧並報開工日期摺

二十五日 駐蹕西安府城

盛宣懷電信 京電公約明午前十一點在日使館畫押宣懷敬

二十六日 駐蹕西安府城

奕劻李鴻章電信 各使商定本日午初畫押自畫押之日起十日內

奕劻李鴻  
章致樞垣

各使商定  
畫約即撤  
兵電

岑春煊致  
全權大臣  
報賠償晉  
省教堂各  
款電

京兵除護使館外全數撤退十五日內自直隸省撤退請代奏奕劻李  
鴻章徑

二十七日 駐蹕西安府城

二十八日 駐蹕西安府城

岑春煊致全權大臣電信 晉省耶蘇教案現已逐次清釐內地會牧  
師何斯德稱本會教民所失產業及租住教堂教士財物現由牧師榮  
晃照確查核明議賠內有十五州縣之教堂其房屋器物係本會自置  
此項免賠自立會堂各物兩處亦免賠是皆仰賴鼎力斡旋俾晉省得  
輕賠款感荷無既公理會教堂二處汾陽房屋未全毀賠銀二千作為  
置備器具修理之費太谷所毀教堂據文阿德牧師稱應歸京城定議



浸禮會教民財產共賠銀三萬六千兩議結其教堂房物聞英公使估定六千餘鎊內地瑞典教會共估銀一萬六千兩估單聞已送在鈞右以上三會賠款如能統歸大案感極倘須晉省自籌敬請轉致英美公使推情核減將原單發下以憑核議早日結案無任叩禱煊叩有

二十九日 駐蹕西安府城

上諭朕欽奉慈禧端佑康頤昭豫莊誠壽恭欽獻崇熙皇太后懿旨捐納職官本一時權宜之政近來捐輸益濫流弊滋多人品混淆仕路冗雜實爲吏治民生之害現在振興庶務亟應加意澄清嗣後無論何項事例均著不准報捐實官自降旨之日起即行永遠停止統限一箇月內截數報部毋得奏請展限其虛銜封典翎枝貢監及現行常例准捐

各項究竟有無妨礙著該部覈議奏明辦理

上諭現在整頓停止武科亟應於各省會建立武備學堂以期培養將才練成勁旅查南北洋湖北所設武備學堂及山東所設隨營學堂均已辦有規模應卽責成李鴻章劉坤一張之洞袁世凱等酌量擴充認真訓練其應如何分門操習精兵學而備干城一切規制章程務再悉心核議斟酌盡善詳晰具奏請旨施行其餘各省卽著該督撫設法籌建一體仿照辦理以歸畫一

三十日 駐蹕西安府城

李盛鐸電信 外部定於初一日那使呈遞國書接待禮節與駐使相同謹聞盛鐸暨

張之洞致  
樞垣各省  
分攤賠款  
請一視同  
仁勿令鄂  
省偏枯電

張之洞電信 奉三月咸旨令各省籌賠款查今日鉅款難籌各省皆同此情形而湖北尤甚自鹽釐抵償撥款之無著者約四十萬新增加撥無款應付者又約四十萬至本省去年自辦防增款以後必應籌辦及自強應籌要款尙不在內竊思此次賠款數鉅期緊明年正月即須還款自惟有各省分認應請鈞處酌核將每年總數除去指定已有之款抵還若干萬外擬攤派各省籌款者若干萬何省擬派籌若干萬將此數電知各省但求各省將分派之數一視同仁各量其力不致鄂省偏枯必當與司道公同計畫至於明年正月何日還起每年分幾批歸還亦祈電示俾有準繩

西巡大事記卷九終